

Headline	TNB optimis prospek pertumbuhan, tingkat perkhidmatan		
MediaTitle	Kosmo		
Date	13 May 2019	Language	Malay
Circulation	155,996	Readership	467,988
Section	Niaga	Page No	45
ArticleSize	262 cm ²	Journalist	N/A
PR Value	RM 20,397		



TNB optimis prospek pertumbuhan, tingkat perkhidmatan

KUALA LUMPUR - Tenaga Nasional Bhd. (TNB) optimis terhadap prospek pertumbuhan yang membolehkan syarikat utiliti nasional itu menawarkan perkhidmatan lebih baik, memanfaatkan pertumbuhan pasaran baharu menerusi nilai aset rangkaian serta meningkatkan nilai mampan untuk kalangan pihak berkepentingannya.

Pengerusinya, Tan Sri Leo Moggie berkata, pihaknya melihat ini merupakan sebahagian daripada komitmen dan sumbangan untuk merealisasikan cita-cita negara.

"Bersandarkan pelbagai usaha strategik di bawah pelan induk *Reimagining TNB* (2017-2025), syarikat itu terbukti terus mencatat pertumbuhan hasil

tahunan serta keuntungan yang baik, dipacu oleh persekitaran kawal selia yang kondusif," katanya.

Beliau berkata demikian dalam laporan tahunan kewangan bersepadu 2018 (FY2018) TNB yang turut memperincikan perkembangan syarikat utiliti itu sejak tujuh dekad lalu.

Perolehan kumpulan TNB meningkat 6.3 peratus daripada FY2017 kepada RM50.39 bilion bagi tahun kewangan berakhir 31 Disember 2018.

Sebahagian besar daripada itu dipacu oleh peningkatan



MOGGIE

bekalan elektrik yang mencecah 18,338MW pada Ogos 2018 iaitu meningkat 3.1 peratus berbanding FY2017.

Keuntungan bersih bagi FY2018 juga rendah kepada RM3.75 bilion berbanding RM6.91 bilion pada FY2017, kebanyakannya disebabkan oleh pelarasan pengawalseliaan akibat perubahan

dalam Tempoh Pengawalseliaan Kedua (RP2) 2018-2020, susut

nilai dan kesan tukaran asing.

Permintaan tenaga turut meneruskan momentum positifnya pada FY2018 dengan jualan tenaga elektrik tahunan meningkat 1.4 mata peratus berbanding unjuran awal menerusi RP2 rangka kerja Kawal Selia Berasaskan Insentif (IBR).

Moggie menjelaskan, ekosistem mampan oleh rangka kerja IBR dan mekanisme Ketidakeimbangan Pelepasan Kos Bahan Api (ICPT) yang dilaksanakan Suruhanjaya Tenaga sejak empat tahun lepas, telah membolehkan Malaysia memiliki salah satu rangkaian tenaga mantap di rantau ini serta setanding negara-negara maju lain.

Selain itu, menerusi pelaksanaan pendekatan proaktif dan

berwawasan, beliau berkata, TNB telah menjalankan kerja-kerja persiapan bagi menghadapi Tempoh Pengawalseliaan Ketiga (RP3) (2021-2023) dan dijangka menyerahkan cadangan IBR RP3nya menjelang Disember tahun ini.

Dalam persekitaran perubahan teknologi berterusan yang turut memberi kesan terhadap industri, Moggie menjelaskan, TNB yang mencatatkan aspek ketersediaan sistem sebanyak 99.97 peratus pada 2018, juga percaya mengenai kepentingan kalangan Industri Bekalan Elektrik Malaysia (MESI) menyediakan peralihan asas yang akan turut memberi impak terhadap industri itu di peringkat global. - Bernama